

歷代文史要籍注釋選刊·尚書

尚書正讀卷一

虞夏書

堯典 舜典

昔在帝堯、聰明文思、光宅天下。將遜于位、讓于虞舜、作堯典。

堯、唐帝名。典、說文云、從冊在丌上、尊閣之也。鄭康成云、書以堯爲始、獨云昔在、使若無先之典然也。按周官外史掌三皇五帝之書。左傳載楚左史能讀三墳五典、八索九邱。楚語申叔時云、教之訓典、注、以爲五帝之書。是堯以前書有稱典者。史記五帝本紀云、學者多稱五帝尙矣、然尙書獨載堯以來。蓋孔子序書、上記唐虞、下至秦繆、編次其事。唐虞以上非無記載、以其簡編脫落、棧略難傳、斷遠取近、自唐虞始、故云使若無先之典然也。光、猶廣也。宅、宅而有之也。堯舜禪讓之事、雖分兩序、實爲一篇、首尾貫穿、蓋夏史所記也。

虞舜側微、堯聞之聰明。將使嗣位、歷試諸難、作舜典。

尙書正讀

伏也。微猶賤也。

猶其也。

難、鄭康成說以入麓伐木、其一隅也。劉逢祿書序述

曾運乾撰

黃曙輝點校

尚書正讀

華東師範大學出版社

圖書在版編目(CIP)數據

尚書正讀 / 曾運乾著. —上海: 華東師範大學出版社, 2011. 6

(歷代文史要籍注釋選刊)

ISBN 978-7-5617-8756-4

I. ①尚… II. ①曾… III. ①中國歷史—商周時代②尚書—注釋 IV. ①K221.04

中國版本圖書館 CIP 數據核字 (2011) 第 124316 號

歷代文史要籍注釋選刊

尚書正讀

著 者 曾運乾
點 校 者 黃曙輝
項目編輯 方學毅
裝幀設計 勞 韜

出版發行 華東師範大學出版社
社 址 上海市中山北路3663號 郵編 200062
網 址 www.ecnupress.com.cn
電 話 021-60821666 行政傳真 021-62572105
客服電話 021-62865537
門市(郵購)電話 021-62869887 地址 上海市中山北路3663號
華東師範大學校內先鋒路口
網 店 <http://ecnup.taobao.com/>
印 刷 者 杭州富陽永昌印刷有限公司
開 本 850×1168 32開
印 張 10.5
字 數 200千字
版 次 2011年7月第1版
印 次 2011年7月第1次
書 號 ISBN 978-7-5617-8756-4/K·350
定 價 40.00元
出 版 人 朱傑人

(如發現本版圖書有印訂品質問題, 請寄回本社市場部調換或電話021-62865537聯繫)

出版弁言

《尚書正讀》爲《尚書》著名注本，著者曾運乾先生精通小學，於訓詁、辭氣二者，均極其精能，以此通解《尚書》今文二十八篇，不欲令其有一言之隔。於經文糾結難明之處，則剖肌析理，能道其所以，勝義紛披，卓絕一時。著者生前，曾以此書爲講稿，授課於中山大學與湖南大學，後經顧頡剛先生推薦，中華書局據湖南大學油印講義加以整理，於一九六三年正式出版。惟僅加斷句，未可云文析義明；於引文起訖，亦未嘗辨明，一般讀者仍苦難讀。今施以新式標點，疏通文義，於引用舊注以及博采通人之說，悉加校核，標明起止。楊樹達序此書，曾謂依其訓釋以讀經文，有如吾人讀漢唐人之詔令奏議，今經此爬梳整比，庶幾益化艱深爲平易，使詰屈聱牙之文已變爲唐宋人之詔令奏議者，再變爲人人可讀之書云。

曾星笠尚書正讀序

余生平持論，謂讀古書當通訓詁，審詞氣，二者如車之兩輪，不可或缺。通訓詁者，昔人所謂小學也。審詞氣者，今人所謂文法之學也。漢儒精於訓詁而疏於審詞氣，宋人頗用心於詞氣矣，而忽於訓詁，讀者兩慊焉。有清中葉，阮芸臺、王懷祖、伯申諸公出，兼能二者，而王氏尤爲卓絕。其所爲《廣雅疏證》，通訓詁之事也；《經傳釋詞》，審詞氣之事也，合二者而爲《讀書雜誌》《經義述聞》。宋元以來，儒者說經校史之作數盈千萬，未有能與二書頡頏者，可謂偉矣。

《尚書》一經，以詁詘警牙爲病者二千年矣。王氏《書》說雖善，顧未能及全經也。自如江艮庭、王西莊、孫淵如諸家，能說全經矣，訓釋之精不逮王氏遠甚。往往讀一篇竟，有如聞異邦人語，但見其唇動，聞其聲響，不知其意旨終何在也。吾友益陽曾君星笠精通小學，於音韻既有所闡發矣，比設教於廣州中山大學，以《尚書》課多士，爲《尚書正讀》一書，於訓詁、辭氣二者，既極其精能矣，而又能以此通解全書，直不欲令其有一言之隔，讀者依其訓釋以讀經文，有如吾人讀漢唐人之詔令奏議。嗚呼，何其盛也。蓋駸駸乎欲駕王氏而上之矣。前歲之冬，余以省覲

歸長沙，適星笠自廣州北返，握手相見，爲余說《大誥》一篇，爲之愉快者屢日。近者以二十八篇將就，書來屬序於余。嗚呼，余言豈足以重君哉。特余於訓詁、詞氣二事夙頗究心，二十年來時時溫故誦經，間有一隙之得，然極其所詣，不過王氏之百一，以視君今日之所成就欲突過王氏者，瞠乎後矣。執筆以序君書，雖欲無愧，安可得也？

一九三六年四月四日楊樹達

目錄

曾星笠尚書正讀序	一
----------	---

尚書正讀卷一

虞夏書	一
-----	---

堯典 舜典	一
-------	---

汨作 九共九篇 稟飫	三二
------------	----

大禹謨 皋陶謨 益稷	三二
------------	----

尚書正讀卷二

禹貢	五三
----	----

甘誓	九一
----	----

五子之歌	九三
------	----

胤征	九四
----	----

商書	九四
----	----

帝告 釐沃	九四
-------	----

湯征	九五
----	----

汝鳩 汝方	九五
-------	----

尚書正讀卷三

湯誓	九七
----	----

夏社 疑至 臣扈	九八
----------	----

典寶	九九
----	----

仲虺之誥	九九
------	----

湯誥	一〇〇
----	-----

明居	一〇〇
----	-----

伊訓 肆命 徂后	一〇〇
----------	-----

太甲三篇	一〇一
------	-----

咸有一德	一〇一
------	-----

沃丁	一〇二
----	-----

咸乂四篇	一〇二
------	-----

仲丁……………一〇二

河亶甲……………一〇三

祖乙……………一〇三

盤庚三篇……………一〇四

盤庚上……………一〇四

盤庚中……………一一〇

盤庚下……………一一四

說命三篇……………一一八

高宗彤日 高宗之訓……………一一八

西伯戡黎……………一二一

微子……………一二三

周書……………一二八

泰誓三篇……………一二八

牧誓……………一三〇

武成……………一三三

洪範……………一三三

分器……………一四七

旅獒……………一四七

旅巢命……………一四八

金縢……………一四八

尚書正讀卷四

大誥……………一五五

微子之命……………一六五

歸禾……………一六六

嘉禾……………一六六

康誥……………一六六

酒誥……………一八一

梓材……………一九二

尚書正讀卷五

召誥……………一九九

尚書正讀卷六

洛誥	二一〇
多士	二二五
無逸	二三二
君奭	二三八
成王政	二四八
將蒲姑	二四八
多方	二四九
立政	二五九
周官	二七〇
賄肅慎之命	二七一
亳姑	二七二

尚書正讀附錄

君陳	二七二
顧命 康王之誥	二七三
畢命	二九〇
君牙	二九〇
冏命	二九〇
呂刑	二九一
文侯之命	三〇六
費誓	三一〇
秦誓	三一四
曾星笠傳	三一九
湘賢親炙錄	三二五

尚書正讀卷一

虞夏書

堯典 舜典

昔在帝堯，聰明文思，光宅天下。將遜于位，讓于虞舜，作《堯典》。

堯，唐帝名。典，《說文》云：「從册在丌上，尊閣之也。」鄭康成云：「《書》以堯爲始，獨云「昔在」，使若無先之典然也。」按《周官·外史》：「掌三皇五帝之書。」《左傳》載楚左史能讀《三墳》《五典》《八索》《九丘》。《楚語》申叔時云：「教之訓典。」注以爲「五帝之書」。是堯以前書有稱「典」者。《史記·五帝本紀》云：「學者多稱五帝，尚矣，然《尚書》獨載堯以來。」蓋孔子序《書》，上記唐虞，下至秦繆，編次其事。唐虞以上，非無記載，以其簡編脫落，樸略難傳，斷遠取近，自唐虞始，故云「使若無先之典然也」。光，猶廣也。宅，宅而有之也。堯、舜禪讓之事，雖分兩序，實爲一篇，首尾貫穿，蓋夏史所記也。虞舜側微，堯聞之聰明。將使嗣位，歷試諸難，作《舜典》。

側，伏也。微，猶賤也。之，猶其也。歷試諸難，鄭康成說以入麓伐木，其一隅也。劉逢祿《書序述聞》云：「二典，《大學》引作帝典者，蓋《堯典》《舜典》異序同篇，故序言「將遜于位，讓于虞舜」，即前半篇咨岳舉舜之事也。又序言「虞舜側微，堯聞之聰明，將使嗣位，歷試諸難」，即下半篇賓四門、納大麓以下之事也。古今文本二典皆合爲一篇，猶之《顧命》《康王之誥》伏生本合爲一篇，則亦一書而兩序也。惟趙岐《孟子注》乃云：「孟子時《尚書》凡百二十篇，逸《書》有《舜典》之序，亡失其文。《孟子》諸所言舜事，皆《舜典》及逸《書》所載。」考《孟子》所載舜往于田及完廩諸事，不稱《堯典》曰，又不稱《書》曰，其「祇載見瞽叟」稱「《書》曰」，則逸《書》《大傳》之類也。又曰：「不及貢，以政接于有庠，此之謂也。」亦傳記所稱，皆不足爲《舜典》之證。即《史記》所作《舜本紀》亦無出《堯典》所述之外，可知非別有篇矣。」陳亦韓《經咫》云：「本無別出《舜典》，《大學》引《書》，通謂之帝典而已。虞夏之書，不若後世史家立有定體，二帝分釐爲兩紀也。」陳蘭甫云：「陳說通矣。劉說以《康王之誥》爲比，尤通。若謂《舜典》亡矣，豈可云《康王之誥》亦亡失乎？」今按諸說竝是也。二典通爲一篇，宛如後世史家合傳體。晚出孔傳本析「慎徽」以下爲《舜典》，固爲割裂，清朱竹垞、趙雲松欲析「月正元日」以下爲《舜典》，然截去「慎徽五典」以下，明與序文「歷試諸難」不合，不如仍舊。

曰若稽古，帝堯曰放勳，欽明文思安安，允恭克讓。光被四表，格于上下。

「曰若」，審慎之詞。「曰」，亦作「粵」，或作「越」。《漢書·律曆志》引《武成》「惟一月壬辰旁死霸，粵若來二月」，《逸周書·世俘》「惟一月丙午，越若來二月」，《周書·召誥》「惟太保先周公相宅，越若來三月，惟丙午朏」。越若，皆語詞，無實義。稽，考也。古，故也，從十口。十口，識前言者也。「曰若稽古」四字句絕。段玉裁《古文尚書撰異》云：「『曰若稽古』四字爲句，不獨《皋陶謨》也，蓋《堯典》亦然，《逸周書·武穆解》可證也。」按《左傳》引《堯典》「賦納以言」爲《夏書》。《墨子·明鬼篇》云：「《尚書》夏書，其次商周之書。」鄭康成《書贊》云：「三科之條，五家之教。」段玉裁云：「三科，謂虞夏一科，商一科，周一科也。」《揚子法言》亦稱「《虞夏之書》渾渾爾，《商書》灝灝爾，《周書》噩噩爾」，皆題曰「虞夏書」者，孔穎達謂虞夏同科，雖虞事亦連夏。竊意二典三謨，本夏史所記，或雖出於伯夷、彭祖之手，其書實成於夏代，故冠以「曰若稽古」四字。《左氏》《墨子》所由目爲「夏書」，而馬、鄭等乃改題「虞夏」也。序云「昔在帝堯」，云「昔在」者，即「曰若稽古」之例，亦審慎之意也。昔正考父校商之名頌十二篇於周太師，以《那》爲首。其《輯》之亂曰：「自古在昔，先民有作。溫恭朝夕，執事有恪。」先聖王之傳恭，猶不敢專。稱曰自古，古曰在昔，昔曰先民，此與太史執簡、孔子序《書》，如出一轍。而賈、馬乃以「若稽」爲「順考」，鄭君乃以「稽古」爲「同天」，豈所擬於不知則闕者哉？堯，名也。放勳，蓋字也。「帝堯曰放勳」五字句絕。即《五帝本紀》云「帝堯者放

「勳」也。敬事節用謂之欽，照臨四方謂之明，經緯天地謂之文，慮深通敏謂之思，寬容覆載謂之安。允，信。克，能。不懈於位曰恭，推賢讓能曰讓。光被四表，格于上下，鄭云：「言堯德光耀及四海之外，至于天地。所謂『大人與天地合其德，與日月合其明』也。」晚出孔《傳》訓「光」爲「充」，雖本雅訓，然以「光」爲「廣」之借字，不如鄭君用光之本義爲訓也。

克明俊德，以親九族。九族既睦，平章百姓。百姓昭明，協和萬邦，黎民於變時雍。

俊，大也。《大學》引此經釋之云：「皆自明也。」鄭注云：「皆自明明德也。」九族者，鄭云：「上自高祖，下至玄孫，凡九族，皆同姓。」睦，敬和也。平，當爲采，形之誤也。《說文》：「采，辨別也。讀若辨。」鄭云：「辨，別，章，明也。」百姓，百官族姓也。協，亦和也，雙聲聯用。黎，衆也。於，歎詞，如《詩》「於昭于天」之「於」。變，化也。時，善也。雍，和也。言衆民從化而變，悉臻和善也。章太炎《尚書故言》云：「《堯典》記事，文不直遂，而以美言總攝，猶與漢世銘頌相似。其頌德稱『欽明文思安安，允恭克讓，光被四表，格于上下』，又與魏晉州郡品目鄰類也。上世史官誠草略，亦由德廣所及，不可繁稱。所謂『太上，下知有之』，『蕩蕩乎民無能名焉』。」按以上渾言堯之德化。

乃命羲和，欽若昊天，曆象日月星辰，敬授民時。

《國語·楚語》云：「少昊之衰也，九黎亂德，民神雜糅，不可方物。顓頊受之，乃命南正重

司天以屬神，命火正黎司地以屬民。其後三苗復九黎之德，堯復育重黎之後不忘舊者，使復典之，故重黎氏世敘天地。」韋注云：「重黎之後爲義和。鄭君亦謂堯育重黎之後義氏、和氏之賢者，使掌舊職天地之官。」是也。欽，敬也。若，順也。昊天，混然之氣，昊然廣大也。欽若昊天者，言當順天以求合，不當爲合以驗天也。曆，數也，讀如「曆日月而迎送之」之「曆」。象者，像也，讀如「聖人象之」之「象」也。古曆定天周三百六十五度又四分度之一。日，每日行天一度。月，每日行天一十三度又十九分度之七。星，二十八宿環列於天，四時迭中者也。日月之所會是謂辰。分二十八宿之度爲十二次，是爲十二辰。稽四者之度，象四者之行，以審知時候而授民也。義和，掌天地，四子分掌四時。

分命義仲，宅嵎夷，曰暘谷。寅賓出日，平秩東作。日中，星鳥，以殷仲春。厥民析，鳥獸孳尾。

義仲，官名，蓋春官也。下文義叔、和仲、和叔，則夏官、秋官、冬官也。仲、叔皆義和氏之子，所謂重黎氏世敘天地，以至于夏商者也。宅，度也。度之而識其晷景，以定中國之日出入分也。嵎夷，《禹貢》在青州，《說文》在冀州，《史記索隱》云：「按今文《尚書》及《帝命驗》竝作禺鉞，在遼西。」《後漢書·東夷傳》說夷有九種云：「昔帝命義仲宅嵎夷，曰暘谷，蓋日之所出也。」考《禹貢》「海岱惟青州」，《爾雅釋文》引鄭注「舜以青州越海，而分齊爲營州」，則青州正有今遼瀋之地。暘谷爲首陽山谷，則在今遼陽縣境。《禹貢》與

冀州接壤，故《說文》又以爲在冀州也。寅，敬也。賓，蔡《傳》云：「禮接之如賓客也。」出日，方出之日。蓋以春分之旦朝方出之日，而識其初出之景也。盛百二《尚書釋天》云：「賓餞測日，與下敬致不同。彼測于正午之時，以表景之長短，知日行之發歛。而此則測之於卯酉，以表景之斜直，知日躔之進退。所爭在俄頃，必先以候之，始知賓餞之喻，分外親切。」平，當爲采。《周官·馮相氏》注引作「辨」。辨秩，辨別秩序也。東作，陳壽祺《左海文集》云：「作，始也。日春行東陸，立春春分，月從青道，出黃道東，故經曰『辨秩東作』，言日月之行於是始，義仲辨次之也。西成，成訓平也。日秋行西陸，立秋秋分，月從白道，出黃道西，故經曰『辨秩西成』，言日月之行於是得正而平，辨次之也。是時日夜分，氣候適平也。又日春在奎，而月圓於角。角者，東宮維首之星也。日秋在角，而月圓於奎。奎者，西宮維首之星也。亦東始西平之義，步日以月，此二者春秋致月之事也。」按陳氏以「平秩東作」及「平秩西成」爲春秋致月之事，實發前人所未發。蓋前人於「東作」「南訛」「西成」「朔易」四者，均就農事泛言，按之曆法及文例，均有未合。考日躔月離，同爲步天家所重。春分賓日，秋分餞日，既以表景測日躔之進退，而於月離竟不及，豈足以知合朔之遲速及交食之時刻？一也。上文命羲和曆象日月星辰，是言總測四者，乃能敬授民時。此文賓日餞日推求日躔之進退，敬致推求日躔之發歛，是曆象日行也。星鳥星火星虛星昴，考驗漏刻中星，以定啓閉分至，是曆象星辰也。若遺月不測，四缺其

一，鳥足以瞻天象之全？二也。又本文文例整齊，由天象而人事，由人事而物候，皆先言推步，後言徵驗。若「東作」「南訛」「西成」「朔易」皆言農事，而「南訛」之下又言「敬致」，則文氣隔闕爲不辭矣。三也。故陳氏言「東作」「西成」爲春秋致月之法，毫無可疑。惟其所釋闕略，尚未足以闡明經旨。考一行《大衍曆議》引劉向《洪範五行傳》云：「日有中道，月有九行。」中道，謂黃道也。九行者，青道二，出黃道東。赤道二，出黃道南。白道二，出黃道西。黑道二，出黃道北。立春春分，月東從青道。立夏夏至，月南從赤道。立秋秋分，月西從白道。立冬冬至，月北從黑道。月不行黃道。謂之九道。月之出入，必循黃道內外也。所謂黃道即日道，斜落於赤道而與赤道交於春秋分處。所謂白道、赤道、青道、黑道皆月道，又斜交於黃道。其交點逐時東移。交周分爲四象，有正交，有中交。正交者，交之始也。中交者，交之終也。又有半交當兩交之中，與黃道相去六度。堯時冬至日在虛，立春日在璧，春分日在昴，立夏日在東井，夏至日在星，立秋日在軫，秋分日在房，立冬日在斗。今春分月道從昴起右旋，當星入陰曆爲正交，當房去黃道六度爲半交，至虛入陽曆爲中交，復於故所而稍東，是爲交終。復以次而東，正於井爲立夏，正於星爲夏至，正於軫爲立秋，正於房爲秋分，正於斗爲立冬，正於虛爲冬至，正於璧爲立春。逐節轉移，不循故軌。凡月追及於日而東西無距度爲朔，距日一百八十度爲望。此皆爲東西同經。其人交也，正當黃道而無緯度，是爲南北同緯。雖人交而非朔望，則同緯而不同經。

當朔望而非人交，則同經而不同緯。若日月之行逢朔望，而東西同經，又值入交，而南北同緯，則有薄蝕。當朔而日爲月所掩，是爲日蝕。當望而月爲日所衝，是爲月蝕。故月行出入黃道，交陰陽曆爲推測日月食之根。推步家所依以起度也。羲和治曆，於春秋分測日之晷景於晨，以知日躔進退。又測月之宿度於夜，以知交道出入。因中星以知日躔，亦因中星以知月道。一行《大衍曆議》云：「月行合朔所交，以黃道內爲陰曆，外爲陽曆。陰陽曆交在夏至冬至，則月行青道白道，所交則同，而出入之行異。故青道至春分之宿及其所衝，皆在黃道正東。白道至秋分之宿及其所衝，皆在黃道正西。」依此推堯時，則春分正於昴而行白道。交陰曆於昏中星，交陽曆於旦中虛。半交至秋分之宿則爲房，其對衝之宿則爲昴。秋分正於房而行青道。交陰曆於昏中虛，交陽曆於旦中星。半交至春分之宿爲昴，其對衝之宿則爲房。是故劉向言春分月從青道。一行云：「冬在陰曆，夏在陽曆，月行青道。」兩不相同者，劉向以半交所至言，一行以交初所臨言也。星昴、星火兩相對衝，白道、青道相爲首尾。由白道可推青道，由青道復可推白道。經於春分言「東作」，於秋分言「西成」，白道、青道兩相成也。於春秋分皆言「平秩」，不啻將晝間測日、夜間測月之理，兩兩對勘也。月行交道既明，日月薄蝕乃有可推。古人制字，朔望有均從月得義。朔字從月從𠂔，月與日同經度而不同緯度，則相並而爲合朔。若同經度而又同緯度，則相並而爲日食。